

ՀԱՇՎԵՏՎՈՒԹՅՈՒՆ
ԳՈՐԾՈՒՂՄԱՆ ԱՐԴՅՈՒՆՔՆԵՐԻ ՄԱՍԻՆ

1. Անունը, ազգանունը.

Արամ Անտոնյան

2. Զբաղեցրած պաշտոնը.

ՀՀ Շիրակի մարզպետի աշխատակազմի տարածքային կառավարման և տեղական ինքնակառավարման հարցերի վարչության պետ

3. Գործուղման վայրը և ժամկետները.

Վրաստանի Հանրապետություն, Թբիլիսի, հուլիսի 10-12-ը, 2024 թ.

4. Հրավիրող կողմը.

Միգրացիայի միջազգային կազմակերպություն

5. Գործուղման նպատակը.

«Միգրացիայի ներուժի խթանում սոցիալ-տնտեսական զարգացման համար Հայաստանում և Վրաստանում» ծրագրի շրջանակներում փորձի փոխանակման աշխատաժողովին մասնակցելու նպատակով:

6. Քննարկված թեմաները.

- Քաղաքականության և կառավարման դերը արդյունավետ վերաինտեգրման գործում,*
- Վերաինտեգրման աջակցության ծրագրերը և դրանց ազդեցությունը,*
- Համայնքային մակարդակում կայուն վերաինտեգրման աջակցությունը:*

7. Հանդիպումները, ելույթները, բարձրացված կամ քննարկված հարցերը.

Միգրացիայի երևույթը շարունակում է ազդել վերադարձի երկրների սոցիալ-տնտեսական իրավիճակի վրա՝ ներկայացնելով ինչպես հնարավորություններ, այնպես էլ մարտահրավերներ: Այս դինամիկայի կարևոր կողմը վերադարձած միգրանտների կայուն վերաինտեգրումն է իրենց հայրենի համայնքներում:

Վերադարձած միգրանտների վերաինտեգրումը բազմակողմանի խնդիր է, որը պահանջում է համապարփակ, ամբողջական և կարիքների վրա հիմնված մոտեցում, որը կարող է ազդել վերաինտեգրման վրա՝ ներառյալ տնտեսական, սոցիալական և հոգեւոցիալական հարթությունները տարածքային, համայնքային և անհատական մակարդակներում: Կայուն վերաինտեգրումը կարևոր է ոչ միայն վերադարձողների բարեկեցության, այլև այն համայնքների սոցիալ-տնտեսական կայունության և զարգացման համար, ուր նրանք վերադարձել են:

Այցի շրջանակներում, հուլիսի 11-ին Միգրացիայի միջազգային կազմակերպության (ՄՄԿ) և Հայաստանի պետական կառավարման մարմինների ներկայացուցիչներին հյուրընկալեց

Կախերթի մարզպետի առաջին տեղակալ Պլատոն Կալմախետիձեն: Թելավիում կայացած հանդիպման ընթացքում քննարկվեցին վերադարձած միգրանտների վերաինտեգրման ծրագրի շրջանակներում առկա խնդիրները և այդ ուղղությամբ Վրաստանում, և հատկապես Կախերթի մարզում կատարված աշխատանքները: Նշվեց, որ միգրացիայի երևույթը շարունակում է ազդել վերադարձի երկրների սոցիալ-տնտեսական իրավիճակի վրա՝ ներկայացնելով ինչպես հնարավորություններ, այնպես էլ մարտահրավերներ: Այս դինամիկայի կարևոր կողմը վերադարձած միգրանտների կայուն վերաինտեգրումն է իրենց հայրենի համայնքներում:

Հուլիսի 12-ին Թբիլիսիում կայացավ Կայուն վերաինտեգրման տարածաշրջանային աշխատաժողովը. որը միավորել էր Հայաստանի, Վրաստանի և Մոլդովայի պետական կառավարման մարմինների ներկայացուցիչներին և նպատակն էր քննարկել առաջացող բոլոր տեսակի խնդիրները՝ հարթակ տրամադրելով շահագրգիռ կողմերին փորձի փոխանակման, լավագույն փորձը բացահայտելու և համագործակցությունը խթանելու, վերաինտեգրման ծրագրերում նորարարական մոտեցումները ներկայացնելու, վերաինտեգրման գործընթացներում ներգրավված շահագրգիռ կողմերի կարողությունները բարձրացնելու համար:

8. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը.

Հանդիպումների ժամանակ որոշումներ չեն ընդունվել, պայմանավորվածություններ ձեռք չեն բերվել, փաստաթղթեր չեն ստորագրվել, կարևորվել է փորձի փոխանակման նպատակով հետագա հանդիպումների ու քննարկումների կազմակերպումը:

9. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները.

Քանի որ ՀՀ Շիրակի մարզը համարվում է ծրագրի թիրախային մարզ, նախատեսվում է կազմակերպել քննարկումներ, որից հետո կնախագծվեն առաջիկա անելիքները:

10. Ստորագրությունը, ամսաթիվը:



16-ը հուլիսի 2024 թ.